



TOSHKENT DAVLAT YURIDIK UNIVERSITETI REKTORINING B U Y R U G ' I

12.02.2025

29-um-son

O‘zbekiston Respublikasi Prezidenti granti tanlovida g‘olib bo‘lgan talabaga stipendiya tayinlash to‘g‘risida

O‘zbekiston Respublikasi Prezidentining 2021-yil 6-iyuldagi “Respublika oliy ta’lim muassasalariga talabalikka qabul qilingan iqtidorli yoshlarni yanada qo‘llab-quvvatlash chora-tadbirlari to‘g‘risida”gi PQ–5172-son qarori, O‘zbekiston Respublikasi davlat oliy ta’lim-muassasalariga o‘qishga qabul qilish jarayonlarini muvofiqlashtirish bo‘yicha davlat komissiyasining 2023-yil 21-sentabrdagi 56-13-son bayoni qarori hamda O‘zbekiston Respublikasi oliy ta’lim, fan va innovatsiyalar vazirining 2025-yil 4-fevraldagi “2024/2025-o‘quv yili uchun o‘tkazilgan O‘zbekiston Respublikasi Prezidenti granti tanlovi g‘oliblari ro‘yxatini tasdiqlash to‘g‘risida”gi 39-son buyrug‘ida belgilangan vazifalar ijrosini ta’minlash maqsadida

BUYURAMAN:

1. O‘zbekiston Respublikasi oliy ta’lim, fan va innovatsiyalar vazirining 2025-yil 4-fevraldagi 39-son buyrug‘i ma’lumot va ijro uchun qabul qilinsin.

2. Quyidagilar:

O‘zbekiston Respublikasi Prezidenti granti uchun 2024/2025-o‘quv yilida o‘tkazilgan tanlovda 20 nafar talaba g‘olib deb topilganligi;

Prezident granti sohibi sifatida universitetning 1 nafar talabasi Jinoiy odil sudlov fakulteti 2-bosqich talabasi Haydarova Shohida Axror qizi e’tirof etilganligi;

Prezident granti sohiblariga 2024-yilning 1-sentabridan O‘zbekiston Respublikasi Prezidenti davlat stipendiyasini tayinlash hamda oyma-oy to‘lab borish, shu munosabat bilan unga umumiy shartlarda belgilanadigan stipendiya tayinlanmasligi belgilanganligi;

o‘quv semestri yakuniga ko‘ra kamida bitta fandan o‘zlashtirish ko‘rsatkichi “a’lo” baho bo‘lmaganda, O‘zbekiston Respublikasi Prezidenti granti tanlovi g‘olibiga kelgusi o‘quv semestri mobaynida umumiy tartibda belgilanadigan stipendiya tayinlanishi va to‘lanishi belgilanganligi;

navbatdagi o‘quv semestri yakuniga ko‘ra barcha fanlar bo‘yicha

o'zlashtirish ko'rsatkichi faqat "a'lo" baho bo'lganda, O'zbekiston Respublikasi Prezidenti granti tanlovi g'oliblari uchun belgilangan stipendiya qayta tayinlanishi va to'lanishi belgilanganligi inobatga olinsin.

3. 2024/2025-o'quv yilida O'zbekiston Respublikasi Prezidenti grantini qo'lga kiritgan Jinoiy odil sudlov fakulteti 2-bosqich talabasi Haydarova Shohida Axror qiziga 2024-yilning 1-sentabridan boshlab O'zbekiston Respublikasi Prezidenti davlat stipendiyasi tayinlansin va oyma-oy to'lab borilsin.

Shu munosabat bilan unga umumiy shartlarda belgilanadigan stipendiya tayinlanishi to'xtatilsin.

4. Buxgalteriya (M.Parpiyev):

2024/2025-o'quv yilida O'zbekiston Respublikasi Prezidenti grantini qo'lga kiritgan Jinoiy odil sudlov fakulteti 2-bosqich talabasi Haydarova Shohida Axror qiziga 2024-yilning 1-sentabridan boshlab O'zbekiston Respublikasi Prezidenti davlat stipendiyasini belgilangan tartibda oyma-oy to'lab borilishini ta'minlasin;

Sh.Haydarovaga O'zbekiston Respublikasi Prezidenti davlat stipendiyasi tayinlanishi munosabati bilan unga umumiy shartlarda belgilanadigan stipendiya tayinlanishini o'rnatilgan tartibda to'xtatish hamda belgilangan hisob-kitoblarni to'g'ri amalga oshirish choralari ko'rsin.

5. O'quv-uslubiy boshqarma (Registrator ofisi) (S.Bozorov) va Jinoiy odil sudlov fakulteti dekani (K.Hakimov) bilan birgalikda:

2024/2025-o'quv yilida O'zbekiston Respublikasi Prezidenti grantini qo'lga kiritgan Jinoiy odil sudlov fakulteti 2-bosqich talabasi Haydarova Shohida Axror qizining keyingi o'quv semestrlari yakuniga ko'ra kamida bitta fandan o'zlashtirish ko'rsatkichi "a'lo" baho bo'lmagan taqdirda unga kelgusi o'quv semestri mobaynida umumiy tartibda stipendiya tayinlanishi va to'lanishini;

navbatdagi o'quv semestri yakuniga ko'ra barcha fanlar bo'yicha o'zlashtirish ko'rsatkichi faqat "a'lo" baho bo'lganda unga O'zbekiston Respublikasi Prezidenti davlat stipendiyasi qayta tayinlanishi va to'lanishi yuzasidan bildirgi kiritish choralari ko'rsin.

6. Ma'naviyat va ma'rifat markazi (Sh.Po'lotov):

O'zbekiston Respublikasi Prezidenti grantini qo'lga kiritgan talabani tantanali vaziyatlarda taqdirlash, Jamoatchilik va OAVlari bo'limi (J.Haydarov) bilan birgalikda u to'g'risidagi ma'lumotlarni universitet sayti hamda ijtimoiy tarmoqlardagi sahifalariga joylashtirish choralari ko'rsin;

fakultet dekanlari (Sh.Saydullayev hamda K.Hakimov) bilan birgalikda ilovadagi ro'yxatda nomlari ko'rsatilgan talabalarning O'zbekiston Respublikasi Prezidenti granti uchun 2025/2026-o'quv yilida o'tkaziladigan tanlovda munosib ishtirok etishlarini tashkil etish, ular uchun zarur barcha shart-sharoitlarni yaratish choralari ko'rsin.

7. O'zbekiston Respublikasi Prezidenti granti uchun o'tkaziladigan tanlovga talabalarning tayyorlash borasida fakultet dekanlarining mas'ul ekanligi belgilab o'tilsin.

8. Fakultet dekanlari (Sh.Saydullayev, K.Hakimov, B.Musayev,

D.Umarxanova):

O'zbekiston Respublikasi Prezidenti granti, stipendiyalar, xalqaro va milliy tanlovlar bo'yicha talabalarning xabardorliklarini ta'minlash maqsadida talabalar o'rtasida tushuntirish va keng targ'ibot ishlarini olib borsin;

2025/2026-o'quv yilida O'zbekiston Respublikasi Prezidenti granti uchun o'tkaziladigan tanlovga ishtirok etadigan talabalarni nizom talablari asosida tayyorlash, ularga uslubiy ko'mak berish choralari ko'rsin;

9. Devonxona (N.Ergashev) ushbu buyruqni manfaatdor tarkibiy bo'linmalarga yetkazish choralari ko'rsin

10. Mazkur buyruq ijrosi nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Bosh buxgalter

M.PARPIYEV



Moliya-iqtisod ishlar bo‘yicha
prorektor

A.IMINOV



Yoshlar masalalari va ma'naviy-
ma'rifiy ishlar bo‘yicha birinchi
prorektor

A.XASHIMHONOV



Boshqarma boshlig‘i

S.BOZAROV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

K.HAKIMOV



Katta yuriskonsult

A.TURSUNOV

